



UNIVERSITÄTS-
BIBLIOTHEK
PADERBORN

Jus Canonicum Ad Libros V. Decretalium Gregorii IX.

Huth, Adam

Augustæ Vindelicorum, 1732

37. De Capellis Monachorum & aliorum religiosorum

[urn:nbn:de:hbz:466:1-63433](https://nbn-resolving.org/urn:nbn:de:hbz:466:1-63433)

1652. quæ tamen de consensu Pontificis dicitur
 in nostris partibus non tenent. 2. Consecratio
 Parochi vel Capituli, quod inibi curam anima-
 rum exercet. 3. Principis & incolarum. 4. Re-
 ligiosorum in vicinia, scil. hodie ad 140. casus
 habitantium, &c. de quibus alii. 5. Requiritur
 ut saltem 12. Religiosi possint ex redditibus
 assignatis vel ex elemosynis competenter vivere.
 6. Quid Episcopo in erectione novi monasterii
 Monialium observandum, habet Schmalzgr.
n. 38. h. t. Engel h. t. n. 5. qui & n. 4. res.
 Bullas Clem. VIII, & Gregor. XV. in hac materia
 editas.

Q. 5. Quid possit Episcopus circa mutationem locorum Religiosorum? Resp. 1. Loca propria sacra & Religiosa, Ecclesiasticâ authoritate constituta, absque eâdem authoritate profanis usibus non queunt destinari. c. 4. & 5. h. t. 2. Ecclesiæ regulares, non possunt ullius Prælati Pontificis superioris authoritate mutari in sæculares, nec Monasteria in Collegia Clericorum sæcularium, nisi casu quo reperiri non possint Religiosi, quibus restituantur, & restaurentur collapsa disciplina. c. 4. h. t. confer Schmalzgr. h. t. n. 26.

TITULUS. XXXVII.

De Capellis Monachorum & aliorum Religiosorum.

Q. 1. Nomine Capellæ quid veniat? Resp. Variè in jure significationes habet, subinde etiam signi-

significat altare in templo exstructum, nonnunquam Oratorium vel sacramediculam à templo separatam; interdum omnem Ecclesiam etiam Parochialem per se & seorsim existentem, modò non sit Collegiata; hic intelligitur nomine Cappellæ Ecclesia Parochialis unita seu incorporata Monasterio sive Ecclesiæ Regulari.

Q. 2. *Quis, à quo, & qualiter præficiendus sit Ecclesia Parochiali, seu habenti populum cum annexâ cura animarum, dum talis Ecclesia Monasterio est unita?* Resp. 1. Dum Ecclesia Parochialis unita est Monasterio *jure non pleno*, id est, tantùm quoad percipiendas decimas aliòsque redditus, præficiendus est illi ab Ordinario, de consilio tamen & consensu Religiosorum, Sacerdos sæcularis. Habentur hæc & alia *c. 1. h. t. c. 31. de præb.*
 2. Dum Ecclesia Parochialis unita est Monasterio *jure pleno*, ita nimirum, ut Religiosi non tantùm decimas aliòsque fructus temporales talis Ecclesiæ percipiant, sed etiam prælatus Regularis principalis Rector & Parochus sit, hodie is non prohibetur ibi constituere Vicarium Regularem, examinandum tamen & approbandum ab Episcopo, & visitationi Episcopali quoad Parochialia subiectum *Trid. Sess. 7. c. 7. de ref.*
 3. Dum Ecclesia est unita Monasterio *jure plenissimo*, sive quoad omnia, ita ut etiam populus sit exemptus à jurisdictione Episcopi, Episcopus diocæsanus nihil habet in eâ juris quoad institutionem, destinationem, visitationem, sed Prælatus loco Episcopi est. *c. 21. de privil. Trid. Sess. 25. c. 11. de*

de

de Regular. 4. Quomodo de jure (de consuetudine sæpe quid aliud obtinet) Religiosi in Parochiis viventes debeant habere socium, dicitur c. 3. & 4. h. t. c. 2. de statu Monach.

TITULUS XXXVIII.

De Jure Patronatûs.

Q I. Quid & quotuplex sit jus Patronatûs. *Resp. ad I. Est jus sive facultas nominandi aut præsentandi, quæ duo ferè in hac materia conveniunt, Clericum instituendum ad Ecclesiam vel beneficium vacans. Vel juxta alios, est jus honorificum, onerosum, & utile competens alicui Ecclesie, quam de Ordinarii consensu fundavit, construxit, aut dotavit ipse, vel is, unde causam accipit. Utraque definitio latiùs explicabitur in l. 1. Illud hîc notandum, quòd jus Patronatûs nemerè temporale sit, neque omnino spirituale, sed spirituali annexum antecedenter. c. 16. h. t.*

Resp. ad secundum I. Aliud est Ecclesiasticum, aliud sæculare, aliud mixtum. Ecclesiasticum est quod Collegio Ecclesiastico aut personæ Ecclesiasticæ ratione Ecclesiæ, dignitatis, vel beneficii competit, vel quod ex bonis Ecclesiasticis ad fundandam, construendam, aut dotandam Ecclesiam applicatis est comparatum. Laicale vel sæculare est, quod vel ex bonis patrimonialibus, vel ex alio titulo sæculari competit; qui titulus jus Patronatûs Ecclesiasticum à laico distinguit, non possessor. In dubio attenditur, num deferatur jure